

虞鄉縣志卷之十二

拾遺志

稽事 傳疑

稽事

司空圖隱於中條山芟松枝為筆管人問之曰幽人之筆

正當如是

汗漫錄

東坡稱司空表聖詩文高雅有承平之遺風蓋嘗自列其詩之有得於文字之表者二十四韻恨當時不識其妙又云表聖論其詩以為得味外味如綠樹連村暗黃花入麥稀此句最妙又棋聲花院靜旂影石壇高吾嘗獨

虞鄉縣志

卷之十二

拾遺

一

入白鶴觀松陰滿地不見一人惟聞棋聲然後知此句之工其餘五言句云人家寒食月花影午時天雨微吟思足花落夢無慘坡煖冬生笋松涼夏健人川明虹照雨樹密鳥衝人馬色經寒慘鵬聲帶晚飢七言句云孤嶼池痕春漲滿小欄花韻午晴初皆可稱也

容齋隨筆

唐韓文公有條山蒼詩考公生平未嘗遊於蒲當是使王廷湊時道途經過所作或云董晉蒲州人公為其客晉卒於汴公送晉喪亦曾至蒲其說非也南史柳惲賦詩未就以筆捶琴坐客過以筯扣之惲驚其

韻哀乃製爲雅音後傳擊琴自此又惲嘗與瑯琊王瞻博射嫌其皮濶乃摘梅帖烏珠子上發必命中觀者驚駭本傳載上謂周捨曰惲可謂具美分其才藝可了十人竟陵王子良稱惲巧越嵇心妙臻羊體

金麻秉彝八歲知屬文十四忽病瘖取紙筆疾書曰適仙府召飲醉致此因賦詩數十章略不停綴一夕始復寤

其瘖亦失自是文思日進

見麻氏傳

山西平陽府蒲州東有中條山乃張果老跨白驢之處

山堂

肆考

虞鄉縣志

卷之十二 拾遺

二

宋王元之遊王官谷題詩刻石在太宗之時至神宗時元之曾孫汾出守蒲津訪舊刻已漫仆乃重勒巖扉題其後云先公翰林尚書淳化中謫官解梁作是詩後八十餘年汾出守蒲中刻石於王官谷元豐二年二月十一日曾孫尚書祠部郎中充集賢校理權知河中軍府事汾謹記

石版見在洗馬村

鹽道山厥頂方平有良藥神農本草曰地有固活女疏銅

芸紫苑之屬也

水經注

虞鄉谷柏村在石佛寺西南泉水下注聲振嵯谷高坡之

上柏盈萬株森立蔭映僧徒每雨後掃葉數斗輒有錢  
出地中如鶩眼其紀元多唐時者通志

按西南無村並無泉水且柏坡卽在寺後其下止有  
百梯村亦舊無谷柏之名或卽柏谷口村耶

胡希舜八九歲時隨父任之武原邑諸生有某者夢與山  
西著綠袍幼生爲同年謁學師遇希舜適與夢符心甚  
喜又恠其年少後希舜敏悟過人勸令隨任試河南遂  
中河南鄉試與邑生同榜

裴俠七歲不能言後於洛城見羣鳥蔽天從西來舉手指  
虞鄉縣志 卷之十二 拾遺 三  
之而言聰慧有異常童十三喪父擇地聞空石中有人  
曰葬於桑東封公侯遂葬於宅側太桑林

唐貞元初虞鄉人女年十餘歲臨井治魚魚跳墮井女逐  
之亦墮其內有老父接抱畱連數日捧至井上贈金錢  
二枚父母往接之女自此不食惟飲湯茶數日嫌居處  
臭穢請就觀中修行不知所之逸史

柳遐少時世父司空慶遠特器異之謂遐曰吾昔逮事伯  
父太尉公常謂我曰我昨夢汝登二樓甚峻麗吾以坐  
席與汝汝後名宦必達恨吾不及見耳吾向聊復晝寢

又夢將昔時坐席還以賜汝汝之官位當復及吾特宜  
勉勵以應嘉祥也北周書

柳公權為宏文館學士嘗夜召對燭窮而語未盡宮人以  
蠟液濡紙繼之又舊唐書文宗召與聯句上曰人皆苦  
炎熱我愛夏日長權屬曰薰風自南來殿閣生微涼上  
諷詠良久命題於壁字徑五寸上嘆曰鍾王無以過也

嘉話錄

唐晉公裴度討淮西題名於華岳廟之闕門後司空圖題  
詩紀之曰岳前大隊赴淮西中原從此息戰聲石闕莫

虞鄉縣志

卷之十二

拾遺

四

教苔蘚上分明認取晉公題

見撫言

段章咸通十年事前進士司空圖自僦為馭者亦無異於  
他傭是年圖歸蒲以力乏不足調給章乃謝去廣明庚  
子寇犯京圖寓居崇義里將出羣寇繼至有擁戈拒門  
者熟視良久乃執圖手曰某段章也導至通衢即別去

見唐史

帝相元年條谷貢桐芍藥命羿植桐於雲和命武羅伯植  
芍藥於後苑武羅伯諫曰上方崇厥德怪草奇木懼遷  
厥嗜宜食駕車之善馬不從於是作誼諫羿乃伐桐為

琴以進善之名曰條谷後居於商邱援琴作源水之歌  
歌曰涓涓源水不壅不塞轂旣破碎庸大其輻事已隳  
矣乃重太息

古琴疏

范希朝將赴太原辭省中郎官旣拜而言曰郎中有事但  
處分希朝希朝第一遍不應亦且恕再第三遍不應卽  
任郎中員外下手插打得插打爲造箭者插羽打幹言

攢箭射我也

嘉話錄

柳宗元曰河東吾土也家世遷徙莫能就緒其間有大河

條山氣蓋關左吾故翹翹褰裳奮懷舊都

河東集

虞鄉縣志

卷之十二

拾遺

五

傳疑

草坪山有淘米泉俗傳杜康造千日酒處下有劉伶醉埋墓按魏武帝詩何以解憂惟有杜康據此劉伶與杜康似非一時人豈杜康善造酒後之工其術者遂以其名名之乎

仙傳拾遺鬼谷先生晉平公時人隱居鬼谷因爲其號先生姓王名栩亦居清溪山中蘇秦張儀從之學今縣南山深處傳有鬼谷洞孫臏讀書處龐涓採樵坡旣爲晉平公時人則此說不爲無因

虞鄉縣志

卷之十二

拾遺

六

晉時樵者王質伐木入山見二童子圍棋與質一物如棗核食之不飢以持斧坐而觀之局未終童子指謂曰汝斧柄爛矣質歸鄉里無復當時之人今棋盤山遺迹猶存許渾詩有世閒甲子須臾事逢着仙人莫觀棋之句而述異記以爲在信都石室山不知誰是

聞人牟準爲衛敬侯神道銘曰城維解梁地卽剗首山對靈足谷當猗口按靈足靈峯之下也剗首府志云在虞鄉境內今不詳其處

姚暹渠北遠望地上如水光氣上騰平陽志云是爲水鏡

南北朝宋文帝元嘉二十五年冬十一月青州城南有此或云是讎氣所映

王官瀑布今不逮昔俗傳上有石燭爲南術士盜去景遂減色疑是邑人苦於供張縋人鑿其唇棱或曰邑令史邦直爲之

清涼寺在裴坊碑云裴相公建逸其名按裴詵自涼還解縣會弟訥之析居聞喜今裴坊村以裴氏牌坊得名又有白露村古碑稱裴樓亦似因裴氏之樓得名則裴氏史署河東者疑多爲虞鄉人但碑碣無存惜不可考

虞鄉縣志

卷之十二

拾遺

七

河東郡北魏置秦州河東始治蒲坂西魏大統四年周文以兵渡河攻高氏其秦州降遂略定汾絳改秦州置蒲州則春秋之解梁秦漢之河東其治似皆在漢置解縣周改虞鄉之故城

百梯寺南有楊家寨相傳楊業裔將兵西行畏卧虎山不

敢過

山在永濟馮村南

屯札於此裨將牛大胆援鐵弓射之兵

乃進

相傳牛大胆方山村北嶺上人今稱其地爲牛裨嶺

王子山謂是唐衛兵住

札處前數年寺僧得錢千餘於頽崖下皆開元年號似當以子山爲是

蘆子泉舊傳武后以術士言虞鄉有王氣遂斷縣南龜背  
岡至見蘆根而止血出化爲泉此亦好奇之說與卧虎  
山丹河相類

明月泉通志謂在三王嶺之陽今訪之不得其處

